

T H E S E S
M E D I C Æ
PARISIENSES.

1772. 1778.

THESE
MEDICAL
EXPERIENCES.

T H E S E S
PHYSIOLOGICÆ,
H Y G I A S T I C Æ,
P A T H O L O G I C Æ,
E T
C H I R U R G I C Æ,
I N S C H O L I S
M E D I C O R U M P A R I S I E N S I U M
P R O P U G N A T Æ.

AB ANNO
AD ANNUM

1772
1776



P A R I S I I S.

M. DCC. LXXII.

T H E S E

PHYSIOLOGICAL

HYGIENIC

PATHOLOGICAL

AND

CHIRURGICAL

IN SCIENCE

AND PRACTICE

OF THE

ART

OF MEDICINE



PARIS

M DCC LXXII

DEO OPTIMO MAXIMO

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS,

*manè discutienda in Scholis Medicorum, die Jovis decimâ secundâ
mensis Novembris, anno Domini M. DCC. LXXII.*

M. ANTONIO-LAURENTIO DE JUSSIEU,

Lugdunenſis Academiæ Socio, Doctore Medico, Præſide.

An nutrimentum tandem detrimenti corporis cauſa?

I.



QUANTA quæcunque in hocce rerum univerſo Theatro exiſtunt atque per vi-
ces oriuntur denuòque deſtruuntur corpora, quò propius ad incrementi ſui
culmen pertingunt, eò citius ad detrimentum vergunt. Ea lex eſt communis
omnibus quæ exiſtunt corporibus. Cur igitur res eòdem modo ſe non habe-
ret reſpectu corporis humani? Nam ſi conſideretur à primo formationis mo-
mento, quanta-ne ab eo tempore diſtat proveſta hominis ætas? mucus enim
organicus in ovo muliebri primum ſuppeditat foetui alimentum. Deinceps corpusculum il-
lud tranſeundo per innumeros formationis gradus ad terminum ſuum à creatore ſtatutum
pervenit; ſecus illius moles in impenſum augetur: ſtamen enim primæ originis nihilum fe-
rè eſt, ſi comparetur cum mole grandioris paulò fortius. Quanta ne jam tunc nativitatem inter
& primum ejus ortum diſparitas? Sique eàdem proportionè uſque ad octoginta annos con-
tinuò creſceret, non ne plus quàm giganteahinc exſurgeret moles? At res tamen ita ſe non
habet; quò enim ortui ſumus propiores, eò plus; quò verò ab eo remotiores, eò creſci-
mus minus: ita ut poſt adeptum incrementum quoddam à natura ſancitum neceſſariò decreſ-
camus. Per actiones vitæ nunquam non deſtruuntur partes ſolidæ corporis fluidæque; &
quod mirabile, ut ſervemus tamen eandem ferè figuram, ſimilia tam ſolida quàm fluida per
eaſdem jugiter & aſſiduè reſtituuntur. Motibus quippe reciprociſ vaſorum fines villoſi pau-
latim avelluntur, ſucceſſivèqueque particula ultima à vicinâ in co hæſione ſua ſolvitur, è
loco ſuo dimota depellitur, depulſa abreptaque eliminatur. Hæc dein ablata, ſpatium relin-
quitur quod novâ conſeſſim adimpletur. Citò enim atque una ſeparata fuit, applicatur alia
quàm exactiſſimè ipſi loco particulæ jam excuſſæ: quare acquirit dotes omnes ac debitas pro-
prietates ad vitæ functiones ſubeundas, talesque quales habebant particulæ deperditæ. Ve-
rùm fieri hæc ipſa nequeunt, quin neceſſariò accidant in corpore humano diverſæ, variis
temporibus, mutationes quæ ultimò ipſum inducunt interitum.

II.

CORPUS humanum ſibi dereliſtum minimè per ſe ſubiſtit, ſed extenuatur; in debili-
tatem deliquiumque cadit, niſi novo ſuppleatur ad compenſandum amiſſum, nutri-
mento; neglecto verò deſtrueretur omnino ob ſolida detrita, fluidaque perpetim exhalantia.
Exigit ergo corporis natura, ad reſtaurandam ejus ſubſtantiam ſingulis temporibus deper-
ditam, nutritionem, quâ non ſolum in omnem dimensionem extendatur producaturque cor-
pus, verùm etiam ut amiſſis pro modulo ſuppleatur. Hæc verò quum nihil aliud ſit quàm
actus virium corporis cujus beneficio expanduntur partes; hinc eſt neceſſarium ut materia
hæc nutritia ſubtiliſſima ſit motuique aptiſſima; ſicque ad minas appellere partes eaſque
extendere queat. Requiritur præterea motus & vaſorum preſſio, ut intus propellatur aſſi-
mileturque, modò his accedant inſuper calor ac quies ſufficiens; utroque præcipuè ſimul
ſavente fluida ſolideſcunt. Verùm enim verò cibis atque potus, tanquam alimenta, non

secus alunt, nisi ab organis aptè præparata sint, sed se cum ferunt illa elementa, è quibus materies nutritia elicitur; mutantur ea in chylum ex quò deinceps sanguis ac lymphæ, quæ ultima verè tandem nutrit, id quod adeò certum, ut quandiu homo legitimam non conficit lympham, tandiu non nutritur idem. Illa verò, aquæ quoad fluiditatem simillima, vim pulmonum atque omnium viscerum experitur, in fluidum longè tenuius subtiliusque resolvitur, circuitibus repetitis assimilatur, opportunisque locis recipitur ac corporis ipsius motu vitali applicatur. Est autem tenuissima, sicuti constat experimentis malpighianis, quibus observatum erat, omnem materiem undè excreverat pullus adeò fuisse tenuem, ut per ipsam substantiam testaceam fuerit dissolubilis. Ergò tale liquidum est fons uberrimus undè compensatur corporis iactura. An ne in maioribus vasis ubi liquida simul mixta valido impetu abripiuntur? Absit; sed in omnium minimis. At quum maiora ex tenuioribus capillaribus conflentur, priora resciri nequeunt, quin posteriora unà reparentur. Id supponit tamen omnes prægressas actiones fuisse legitimas integrasque; iis contrà deficientibus, repletur equidem homo, verum non nutritur. Rurè autem hec habentibus functionibus, sunt in corpore vires quæ alimenta commutare possunt. Ventriculus, musculi abdominales, diaphragma aliaque digestionem inservientia organa, nec non humores comminutionem perfectam reddunt; artieriarum istius repetiti, varii lymphaticorum reptatus, musculorumque actiones præstant id ipsum officii genus: tonus ac partium robur digestionem validè strenuèque famulatur; si enim nimis constringantur, velut contingit in spasmodis, turbatur defraudaturque nutritio; sin contrà nimium relaxentur, ut in affectibus cachecticis valdè indigestas recipiunt moleculas, id quod experientia deprehenditur consentaneum. Sed quoniam singulis momentis è corpore aliquid exernitur, necessum est, ut relinquatur locus ab hisce particulis vacuus quem materia nutritia explendo rursus æquet. Neque verò unquam resciri posset corpus nisi etiam quiete quâdam frueretur, quam somni præcipuè capit tempore; quæ etenim continuò donatur partes, viriumque hoc ipso motu, vigilante præsertim homine, fit dispendium, quod verò maximè quiescentibus restituitur partibus. Illæ moleculæ iam jam vi vitæ locisque debitis appositæ, dein à calore quò gaudet foveturque corpus, in eodem situ consistere debent, magis coadunari, concrelescere depreditorumque vice perfungi. Sic igitur clarè patet ad absolutam perfectamque nutritionem conspirare cuncta viscera, omnes vasorum actiones à maximis usque ad minima ultima debere.

II.

QUONIAM autem in rebus naturalibus semper est à cognitis ad incognita progredientum, ab effectibus nempe ad eorum causas, eandem & nos sequemur methodum. Ea verò ut magis elucescat, instituenda venit comparatio inter diversæ ætatis corpora. In pueritiâ insignis est fibrarum mollities, laxis & raris habitus; pori sunt ampli, partes flexiles; dein major cum sit vasorum expeditorum numerus, ita major est etiam liquidorum moles relativa; rubet cutis ac florida conspicitur; agile evadit corpus ad omnes qualescumque functiones peragendas, adeoque ad circulum humorum nutritionemque fit aptius paulò, propterea quod minor partium adest cohesio; ob solidorum laxitatem minùsque eorum robur perspirabile est & ad virium dissipationem compositum: hinc majori alimentorum copiâ indiget, camque in suam substantiam vi sufficienti & satis facili redigit. In adolescentiâ verò fibras teniores ac robustiores obtinet corpus, sanguinem subactiorem enimque optimum generat atque fovet, quem & validius propellit; major nunc est in humoribus aptitudo & ad servandam fluxilitatem facultas, proin & ad circulum facilius decurrendum; ita ut fiat perpetua elementorum successio ac substitutio, nec ulla destructio sine æquali vicariâque restitutione, adeoque nutritio perfectior. Contrà verò in senectute maxima demùm fibræ est rigiditas, hinc inflexilitas, reactionis difficultas vel impotentia, viarum atque canalium angustia, lentior liquidorum cursus, vel tandem nullus; quies aut inertia perfecta, undè vel inspiratio eorumdem, vel quædam denique concretio cum ipsismet vasis: porro perspiratio difficilior ob nimiam tubulorum cutis densitatem ac constrictionem. Præterea ex sua parte fibræ ad se invicem accedunt, exelluntque profusis liquida summè tenuia, crassioribus cum ipsis vasis coalescentibus; fugit evanescitque pinguedo, corrugatur cutis, desquamatur, unoque verbo, omnia sunt rigida, contracta, concreta. Corpus quamvis in omni sua dimensione seu volumine minui videatur, materia tamen densitate, duritie ac gravitate specificâ augeatur atque increvit. Locus vix conceditur liquoribus ob inflexilitatem solidorum, reactionem in fluida diminutam aut abolitam, in minoribus præsertim cerebri canaliculis, propterea quod eorumdem abolerentur cavitates: & hinc est quod repuerescant senes atque delirent. Memoria, ratiocinium, sensus denique omnes gradatim habentur aut delentur; perit motus, corpus fit rigidum atque imotum stat. Cerebrum cerebellumque liquida difficilè transmittunt; pereunt omnes actiones, omnis cessat circulatio, nisi fortè quæ in vasis maioribus, licet ipsa

etiam admodum lenta, peragitur. Senes non tantam quantam juniores alimentorum copiam appetunt, quippe quod organa concoctioni inservientia non tantâ vi subigendi, præparandi, uti nec dissipandi fluidi potestate pollent: hi enim simul atque majorem alimonie quantitatem assumpserunt, quam quidem par fuerit, mox afficiuntur plestunturque aliquo morbo. Hæc igitur ætate suis muneribus defungi non potest corpus, ad ruinam hoc ædificium ex ipsâmet partium nutritiarum depravatâ qualitate rapitur. Num verò hæc oritur ab alimentis quibus nutritur, augetur atque conservatur corpus? A verò non abluere hanc quæstionem ex hæcenus dictis quis non videat? Quod si enim animadvertatur ad innumeras quæ corpori per totum vitæ spatium obtingunt mutationes, ipso ferè sole clariùs manifestabitur, in ipsiis alimentis delitescere præcipuam detrimenti corporis causam.

I V.

VERUM cum corporis evolutio per motum materiæ, & quidem fluidæ, progressivum perficiatur, hanc ad omnia loca transvehî moverique oportet quò sanitas conservetur. Quare opus est vasîs quæ eam contineant & in quibus fluere possit ire atque redire sine ullo impedito. Omnia placidè ac tranquillè geruntur dum juventute adhuc floret vigerque integris viribus corpus; sed si elementa quæ illud constituunt ita mutantur, majori partium infensibilium compagine, tunc in ipsimet partibus ampliùs non adest eadem aptitudo atque facilitas ad omnia quæ quot sunt munera exercenda. Quantum enim discrimen reperitur senile inter & juvenile corpus? In hoc scilicet plura sunt vasa quæ extensione particularumque appositione augentur, non numero, neque ullis crescentibus novis; in illo autem vitæ viribus abolentur. In priori porrò plures juxta se invicem morantur partes; in posteriori verò tam propè sibi invicem appropinquantur ut planè cohærescant. Ergò cohæsiō partium diversa in elementis corpus componentibus, diversis in ætatibus, plurimùm differt atque variat. Hinc in propatulo est, qui primis temporibus ab iisdem causis augeatur corpus quibus in posterum decrescit atque destruitur. Effectus enim ac vis nutritionis est appositio particularum alimenti in vasorum minimorum cavo tum & variis in retibus. Sed si fines eorum tenaciores magisque resistentes fiant; tunc, auctis calore & motu, vasa indurantur, minuuntur diametro, retiaque solidescunt. Dum corpus est in statu perfectio, omnes canaliculi liberum transitum liquidis concedunt; inoffensa tunc est circulatio ac proinde sanitas vitæque perfecta. Sed quoniam homo alimentis nunquam diutius caret quin causam interitus proximam inveniat, in alimentorum usu remotam haud ineptè quærit. Nam materiæ alibilis particulae in extremis vasculis experiuntur resistentias ex parte molecularum quæ in auras non abeunt; hinc impediuntur quò minus ultrà progrediatur succi nutritii; aliunde vasa propter nimiam rigiditatem eos nec elaborare, nec expellere valent. Sanguis aliique humores motu lentiori difficilîus per vasa aguntur; omnes languent functiones, fluida spissitudinem induunt ad stagnationem inclinant atque propendunt: vires decrescunt, ipsæque amissæ mortem alliciunt. Vasa enim ab alimentorum particulis angustiora facta, mollîus oscillant pigritiùsque sese contrahunt, postremò humores contentos comprimunt atque compingunt, ut in molem coquant concretam, imò irresolubilem, infarctus, obstructionesque in toto corporis habitu genituram. Strata hinc fiunt super strata in vasorum minimorum lacunis, undè minuuntur, coarctantur, clauduntur vasa humoresque cum ipsis in unam quædam massam coalescunt. At hæc fieri non possunt quin partes magis magisque indurescant, deîni plûs quoque comprimant liquida contenta atque horum densitatem efficiant. Calor idem præstat, humidum ex interstitiis abigendo dissipandoque. Constat liquidum, non sufficere flexilitati conciliandæ exiguum partium constitutionem levemque tantum cohesionem, nisi simul sit vis aliqua, nempe, liquidum ipsum mobile & inter partes se mutuò contingentes vel elementa collocatum, irrorans humectansque eadem & à concrectione impediens. Hinc interpositio hoc ce liquido à se invicem distinentur separatæ fibræ; eodem quoque reduntur ad motum aptiores; remoto contrà coucrescunt eadem, undè perit omnis flexilitas ac motus. Tales proprietates in ipsiis elementis obviæ, sunt ratio cur suprâ se invicem volvi atque revolvi possint donec ad ultimum contactum pervenerint, ultrâ quem si progrediuntur, jam facta est resolutio. Calor ergò atque compressio has dotes mutant; liquidum hoc ce expellendo, rigiditatem cum tempore partibus solidis; adeoque majorem immobilitatem inferunt, quâ nimium auctâ, reactio in fluida contenta minor evadit aut omnino cessat. Hinc ergò motus defectus, quies, fluidi in pîssatio, tandemque hujus cum solidis coactis; dehinc obstructio universalis, totiusque corporis immobilitas; fibræ fiunt rigidiores, gravitateque specificâ augentur; undè compactiores densioresque evadunt, minis mobiles adeoque fluido subigendo, expellendo impares; hinc spirituum virumque defectus; hinc decrementum partium mollium adeoque marcor corporis, inertia, frigus, mors.

OMNES qui in corpore gignuntur insuntque humores ex ingestis tanquam fonte scaturiunt atque derivantur. Hæc alimenta vitæ viribus in chylum sanguinemque vertuntur, undè segregantur deinceps cæteri quicunque liquores. Liquido hinc constat, quod si vasorum textura sit paulò densior, liquores difficillimè permeent, adeoque ibi morentur; cùmque aliàs sint inertia od nimiam à corde distantiam vimque hujus imminutam, hinc lentè labuntur: insuper calore in corpore reliquo adhuc inspissantur instar albuminis ovi postquam experti fuerint infinitos quasi mutationis gradus. Parietum vasorum collapsus, eorumque nimia rigiditas, concretio fluidorum & in ipsismet vasis oborta, induratio insuperabilem resistentiā obicit. Cordi igitur utpotè rigido, vis propellendo liquido par non est, adeoque nec vitæ conservandæ sufficiens. Minuitur hæc vis in dies; augeatur inertia & pondus fluidorum movendorum, quia nil ferè excernitur, homine præsertim singulis diebus plura ingerente. Cùm enim accipiat ab alimentis novam succi nutritii quantitatem, isque ob oclusa vasa appellere neque ejici possit, obturat vasa quarum diameter fuit imminuta è liquidorum particulis suprà se invicem positis, ac proindè brevior redditur humorum circulus, capillariibus obstructis transitum ipsis jam prius denegantibus. Notum est, totum olim cranium non nisi ex membranis distinctis coaluisse; humores qui circulatoriis legibus devehebantur secum afferebant nutrimentum quod replebat canaliculos hæc membranas contextentes. Illud vi vitæ horum parietibus astrictum, calore indurabatur, & iidem perseverantibus in substantiam solidissimam abibat. Quare quæ antea membranam efformabant vasa non tantum succo nutritio angustata sunt, sed penitus clausa rigent. Nam in Senectute ne unicum quidem vas remanet, sed consolidatum osseumque conspicitur totum, sine pinguedine, vasis sanguiferis, ac futuris orbatum. Vasa umbilicalia pervia olim erant, jam verò absque vestigio deleta sunt. Sinus falsiformis non nunquam visus est osseus, nec mintis medullarum cordisque tendines; si tandem diutissimè vitâ motuque fruatur corpus, sanumque sit & multum exerceatur, habebit ferè omnes partes osseas, quia citius hoc modò fluidum lubricans absumitur. Quod si jam hygieines experientiam consulamus, confirmabuntur exactè quæ adhuc stabilivimus. Nam cur in senibus tam potens imò præcipuum confortans agnoscitur vinum, Cur in affluetis solum ferè quod restet sanitati aliquandiu conservandæ refugium? Homines scilicet, maxime senescunt ac tandem fatali naturæ corporisquæ lege moriuntur à diminutâ vel abolitâ circulatione, adeoque calore pereunte, vinum autem vasa stimulando liquorum motum resuscitat ac promovet, solida roborat, atoniam præsentem tollit, nimiamque eorum rigiditatem aliquandiu vincit, eademque ut reagant sic cogit. Quid verò sanguinis missio moderata in iidem senibus non prodest? Hæcine in vasis ad molem liquidorum minuendam, quò partes alibiles facilius moveri possint confert? Nonne, relaxando vasorum parietes, obstructions impedit? Nùm nimia alimentorum copia ob solidiorum rigiditatem non subacta satis, magis opplendo spatia, obstructions augeat? Non ne idèò diætâ paulò tenuior pariorque ad eundem finem suadetur ut necessaria? Ex his simul collectis concludere liceat:

Ergò nutrimentum tandem detrimenti corporis causa.

DOMINI DOCTORES DISPUTATURI.

M. Martinus-Jacobus-Clarus ROBERT, Serenissimi Ducis Bipontini Archiater, nec-non à Consiiliis & Secretis.

M. Joannes-Baptista Franciscus DE LA RIVIERE, Consiliarius Medicus Regis ordinarius in ejus Castellero.

M. Joannes - Franciscus - Clemens MORAND, Eques, Castorum & exercituum Regis nuper Medicus: Regiæ Scientiarum Academiæ Parisiensis Socius ordinarius, & Regiæ Societate Londinensi: Regiæ Medicorum Nancianorum Collegii Socius Honorarius: apud Leodicos, Collegii Medici Assessor Floruararius, nec-non Civitatis muneratus.

M. Maximilianus-Josephus LEYS.

M. Guido DANIE DESPATUREAUX.

M. Martinus NOUGUEZ.

M. Joannes DESCOMET, Censor Regius, Chirurgia Latino Idiomatice Professor designatus.

M. Cleriadus VACHIER.

M. Ludovicus - Alexander GERVAISE.

Proponebat Parisiis JOANNES-FRANCISCUS-ACHILLES LALOUETTE, Parisinus, Saluberrimæ Facultatis Medicinæ Parisiensis Baccalaureus, A. R. S. H. 1772.

à sexta ad meridiem.